

UGOVOR

o pružanju usluga zaštite od požara

Zaključen između:

JU O.Š. „KOVAČIĆI“ SARAJEVO

Ul. Zagrebačka br.22a koga zastupa direktor Nađa Pejak

Identifikacioni broj : 000000000000

Identifikacioni broj obveznika PDV-a : 0000000000

(u daljem tekstu : Naručilac)

i

VATROSISTEMI d.o.o. Sarajevo

Safeta Zajke br.115 , Sarajevo

koga zastupa direktor Berin Mesihović

Identifikacioni broj : 4200117260007

Identifikacioni broj obveznika PDV-a : 200117260007

(u daljam tekstu : Izvršilac)

PREDMET UGOVORA

Član 1.

Predmet ovog Ugovora je pružanje usluga iz oblasti zaštite od požara i zaštite na radu, a posebno :

1. Periodični pregled aparata za početno gašenje požara (svakih 6 mjeseci);
2. Kontrolni pregled ispitivanja aparata za početno gašenje požara (svake 5 godine);
3. Ispitivanje ispravnosti i funkcionalnosti hidrantske mreže (svakih 6 mjeseci);
4. Ispitivanje ventila sigurnosti (jednom godišnje)
5. Periodično ispitivanje sistema za dojavu požara (svakih 6 mjeseci);

Član 2.

CIJENA

Za vršenje poslova iz predhodnog člana sačinjena je ponuda broj 21-0100-000693 od 13.04.2021. koja je sastavni dio Ugovora, a koja pored ostalog sadrži vrstu poslova i cijenu za svaku uslugu, odnosno sredstvo.

Član 3.

RAČUN I USLOVI PLAĆANJA

Plaćanje će se vršiti nakon izvršene usluge ili ispitivanja, na osnovu sljedećeg dokumenta:

- jedan (1) original Račun

NARUČILAC će platiti samo ispravno izdat račun u roku 15 (petnaest) dana, od dana ispostavljanja na žiro račun 1610000047900066 kod Raiffeisen bank BH Sarajevo.

Član 4.

TRAJANJE I DINAMIKA IZVRŠENJA USLUGA

IZVRŠITELJ će tokom važenja ovog Ugovora vršiti Usluge prema dinamici koju će određivati NARUČILAC, a u skladu sa Zakonom propisanim terminima za određenu uslugu.

Član 5.

MJESTO VRŠENJA USLUGE

Usluge koje su predmet ovog Ugovora izvršavati će se na lokacijama NARUČITELJA.

Član 6.

OBVEZE NARUČIOCA

IZVRŠITELJU omogućiti pristup prostorijama u kojima će se obavljati ugovorene usluge. Obezbjedi IZVRŠITELJU svu neophodnu dokumentaciju za obavljanje periodičnih ispitivanja, koje se odnose na član 1. ovog Ugovora. Obezbjedi IZVRŠITELJU tlocrte objekata u elektronskoj formi za izradu neophodne dokumentacije.

Član 7.

OBVEZE IZVRŠITELJA

Uslugu izvršiti kao specijalizovana firma za ovu vrstu usluga u skladu sa Ugovorom i njegovim sastavnim dijelovima, važećim standardima, propisima i Zakonima te tehničkim normativima i pravilima struke.

Za svaku obavljanu uslugu IZVRŠITELJ je obavezan da dostavi zapisnik (potvrdu) o izvršenom pregledu i servisiranju.

Za vršenje usluga osigurati svu potrebnu opremu, alat i sve ostalo što je neophodno za uspješno i sigurno izvršenje ugovorenih usluga.

Vodi računa o terminima pojedinih usluga (periodičnost) i na vrijeme obavlja ugovorene usluge.

Član 8.

RASKID UGOVORA

Svaka ugovorna strana ima pravo raskinuti ugovorne odnose slanjem pisane obavijesti, s otkaznim rokom od 30 dana, koji počinje teći od dana primitka pisane obavijesti.

Član 9.

VIŠA SILA

Ako slučaj više sile potpuno ili djelimično spriječi izvršenje obaveza po ovom Ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i eventualnom trajanju više sile pismeno obavjesti drugu ugovornu stranu u roku od 3 (tri) dana od nastanka slučaja više sile.

Pod višom silom, u smislu predhodnog stava, smatraju se spoljni i vanredni događaji koji nisu postojali u vrijeme potpisivanja ovog Ugovora, koji su nastali mimo volje ugovornih strana, čije nastupanje i dejstvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji : rat i ratna dejstva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglasi kao slučajeve više sile.

Za vrijeme trajanja više sile obaveze ugovornih strana po ovom Ugovoru miruju, s tim da se rok izvršenje obaveza ugovornih strana produžava za period koji odgovara trajanju slučaja više sile.

Ukoliko slučaj više sile bude trajao više od 30 (trideset) dana, ugovorne strane će se sporazumjeti o daljoj sudbini Ugovora. Ukoliko se ugovorne strane ne dogovore o sudbini Ugovora, ugovorna strana kod koje je nastupila viša sila ima pravo na raskid Ugovora nakon što o tome pismeno obavjesti drugu ugovornu stranu.

Član 10.

RJEŠAVANJE SPOROVA

Ugovorne strane saglasne su da će sve eventualne sporove iz ovog Ugovora prvenstveno rješavati međusobnim dogovorom.

Ukoliko ugovorne strane ne uspiju riješiti nastali spor međusobnim dogovorom, za rješavanje istog nadležan je sud u Sarajevu.

Član 11.

IZMJENE I DOPUNE UGOVORA

Ugovor se može mijenjati i dopunjavati samo uz saglasnost obje ugovorne strane.

Član 12.

NASTAJANJE I VAŽENJE UGOVORA

Ugovorne strane su saglasne da se Ugovor primjenjuje od datuma potpisivanja ovlaštenih lica i važi 1 (jednu) godinu, te se prešutno produžava.

Član 13.

ZAKONSKA REGULATIVA

Za sve ono što nije regulirano ovim Ugovorom primjenjivat će se primarno odredbe Zakona o obligacionim odnosima.

Član 14.

PRIMJERC I UGOVORA

Ovaj Ugovor sačinjen je u 2 (dva) istovjetna primjeraka, od kojih NARUČILAC zadržava 1 (jedan) primjerak, a IZVRŠITELJ 1 (jedan) primjerak.

ZA IZVRŠITELJA
D
B

Broj: 04-01-641-1
Datum: 28.04.2021.



Broj: 1671/2021
Datum: 28.04.2021